

مجله تاریخی

مطبعه و محل اداره :

جفاله اوغلنده امنیت
سندوفی جوارنده
شنگول یقوشنده
۲۵ نومبر

سلکمه موافق آثار
جدیده مع الممنونه
قبول اولنور

درج ابدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و شئونه اسلامیه و بحث ایدرو هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
عالم عثمانیه ایچون	۶۵	۳۵
روسیه	۶۵	۳۰۵
سائر عالم اجنبیه	۱۷	۹

توحید و اتحاد

(سوز) لك نظر وجدان وادراك ثوننده کی قیمت واهمیتی جو هر معناسی اعتباریله در .

معناسندن مهجور ولار هر هانگی بر لفظك چنین ساقطدن ، نمش بی روحدن نه فرقی قالیر ؟

سوز ، لسانك ، معناده قلب و وجدانكدر . معنی ، جسم لفظك حیاتی ، روحی ، وار لیدر .

ان الكلام لني الفؤاد وانما

جعل اللسان على الفؤاد دليلا

نوت ، كلام - كه اصل معنادر - قلبكدر ؛ لسان ایسه او معنایه دلیلدن ، ترجمان اولمقدن باشقا . نئی دكلدر . (سوز) . معنایی مخاطبه تفهیم ایدر ، اورنه دن جکیلیر کیدر . (سوز) اکر طوغری ایسه فها والا کذب . باخود نفاق ایله وصف اولونیر .

حضرت قرآن کریم ، مخالفین بن اعرابك حربیه کیتما مگ ایچین حضور قدسیت نشور جناب رسالت پناه اعظمی ده (علیه الصلاة والسلام) شغلتن اموالنا واهلونا فاستغفرلنا ۱ - «اموالنا ، اولاد و عیالنا بزی اشغال ایدیور ؛ بزم ایچین جناب حقدن تمی عفو بویوریکز ! اعتذار کاذبیه جرأتیاب اولدقلری نیاز مخادعه کارانه لرینی : «يقولون بالسنتهم ما ليس في قلوبهم - لسانلریله قیلیرنده اولیان شیئ سویلورلر» وحی جلیلله تکذیب بویورور . ایشته شغلتن الخ ، جاهل سی لسان مخالفیندن صدور ایتیش یعنی سوز اولنرك اولمق اعتباریله معناسز ؛ یالان ! مردود !

«يا ايها الذين آمنوا لم تقولون مالا تفعلون ؟»

بو نظم جلیل تکدیر ، احد محاربه سننده حقیقه ایفای فریضه جهاد ایتیمان بعض ذوات حقنده نازل اولمشدر . مشار الیهم حربدن اول : «نزد لوهیتده عمال صالحه نك ان محبول و قبول اولانی بیاسه يدك مالزی ، جانمزی او سعادت عظمای استحصال یولنده بلا تردد فدا ایدردك . «دی به تفاخر ایدرلر ، کندیلرینی اوج اعلا صدیقتده کورورلردی . وفاقه احد محاربه سی باشلادی ، ایفای عهد ایتك زمانی کلدی . سوزلری میدان امتحانده معناسز قالینجه :

«لم تقولون مالا تفعلون ؟»

مؤاخذه الهیسی قارشیسنده سر بسینه محجوبیت قالدیلر .

مؤاخذه بالکیز بوقدرله قالسایدی ینه اهون عد اولنه بیلیردی ؛ لکن بوقدرله قالدی .

«كبر مقتاً عند الله ان تقولوا مالا تفعلون - بابه میه جفکیز شیشی سوبله مکز عندالله نه قدر شدتلی غضبی داعی اولدی ! ، تهدید قهر و جلالی صاعقه کی نزول ایدرلر مهملری مهوت ومدهوش ایتدی .

بوقاریکی فصللریم زده آیات قرآنیه ، احادیث نبویه ، برده ایلک جمعیت اسلامیه نك حرکاته استناداً شو حقیقتی هیچ مناقشه یه ، ترده میدان قالمایه حق صورتده اثبات ایتیش ایدك که : مسلمانلغك مقصد اصلسی احوال و اطوار بشریه نك استقراسیله وجودی ثابت اولان قانون فطری ترقی موجبجه انسانلغك مادی و معنوی ارتقاسی تأمین ایله مکدن عبارتدر ؛ ارواحی شائیه لرندن تطهیر ایدرک وظیفه سی ادایه صالح برحاله کتیره جك کوچوک بویوک نه قدر وسائط و ارسه مسلمانلق بونلرك کافه سی بیلدیرمش ، توصیه ده بولمشدر .

أوت ، بزبونلرك کافه سی شبهه یه . انکاره مجال قالمایه حق صورتده دلائله اثبات ایتیش ایدك . لکن بوکونکی جماعت اسلامیه نك هیئت مجموعه سنه عطف نظرایده جك اولورسه ق کور ورزکه قسم اعظمزك عندده مسلمانلق عبادتک ارکان و قواعدیله یا دنیا ده کی حاجاتک استحصالی ، یا خود آخرته مراتب عالیه احراز مقصدیله رفع ایدیلن دعوات مجرده دن عبارتدر ؛ بیلدکلری کله شهادت ، نماز ، اوروج ، زکات ، حج . بوقه دینک امت عربیه یی بولندیقی قبرستان سفالت و هیچیرن چکرك اوج حیات و شرفه یوکسلتن اسرار عظیمه سی ، معجزات کریمه سی هیچ بر زمان لحاظه امانی جلب ایتیمور ! و اسفا که دینک لپی ، اسلامک زبده سی اصل بواولدیگی کبی تنزیل و تشریعنده کی غرض یکانه ده بودر .

مسلمانلق روحك مطالب اخلاقیه و معنویه سیله بدنك مطالب مادیه سی بیك کوزل توفیق ایتمشدر . جناب حق ، وقیل للذین اتقوا ماذا انزل ربکم قالو خیراً للذین احسنوا فی هذه الدنيا حسنة وللدن الآخرة خیر ولنعم دار المتقین . «بویورییور . حضرت پیغمبرده لیس من ترك دنياه لا آخرته ولا آخرته لدنياه بل خیرکم من اخذ من هذه و هذه «دیور .

لکن قیم اعظمز بو حکمت بالغه یی تأمل طرفلرینه اصلا یاناشیمور ؛ بالمکس دینی یا کلش اکلایه رق اکا کوره یا کلش یوله صایان اقوام سالفه نك اثرینی ، عاداتی تعقیب ایدیور . هم هیچ بر تأیید الهویه مظهر اولماش بر طاقم افکار و عقائد بسلیور . «ولاتنس نصیدك من الدنیا» کی آیتلر ، ان من فقه الرجل استصلاح معیشته و لیس من حب الدنیا طلب ما یصلحك» کی حدیثلر طورورکن خلق بوعلوی اساسلرك اوزرینه ردای نسیانی چکرك دینی بوتون علائق دنیا دن کلیاً فارغ اولمق ، بوتون حسابات جسمانیه دن تعری ایلمك صورتنده تلقیه باشلادیلر . بیلمدیلرکه بو حال اقوام سالفه یی محو ایدن بر مدعش طاعوندر . هیات نردن بیله جکلرکه بولندقلری کوشه عطالتدن کندیلری ایله شوایت کریمه نك آره سنده آشیلماز بر حائل وار : «افلم یسیروا فی الارض فتکون لهم قلوب یعقلون بها او آذان یسمعون بها فانها لا تعی الا بصار و لکن تعی القلوب التي فی الصدور .»

محمد ماکف

سلطان توحید

له قلوب موحدين فصل تسخير ايتش اولدغنى اوقويهرق
- براز اولسون ! - دوشونمزى يز ؟

نهوت ، دوشونهلم ! دوشونهلمده توحيدافصل اولورمش كورهلم !
عبرت آلهلم عبرت !

شو مقدس اسلاميت . شو مبجل انسانيت ، شو حقيقى مدنيت ،
شو ابدى سعادت مكه مكرمهده فصل ميدانه جيقاريلدى ؟ مدينه
منورهده فصل تأسيس ايتدى ؟ ايماد كائناته - نورسحر كبي -
افصل يايلاهق جهاني قاپلامش اولان ظلام شرقي قهر ايتدى ؟

ذره قدر نور ايمانه مالك اولان اوصحائف اوزرنده هونكور
هونكور اغلامامسى قابلميدر ؟

بوتون كائنات سايه لطفنده وجود بولاش اولان سلطان كشور
لولاك (عليه الصلاة والسلام) افنديمز حضرتلرينك مكه مكرمهده
تريل بويوروب بيت الهى يي آغوش احترامنده طوتان حبيالك
شواهي آفاقي چينلاتان ، بوتون عرالم ملكوتى رقصال ايدر اذان
توحيدده ، اوعلوى ندياه ، اوقدسى :

«حى على الفلاح»

ايلك اجابت ايتك شرف عالم بهاسيله بختيار اولانلر قاج بختيار
ايدى ؟ وكيملر ايدى ؟ آه او نه مشكل الاقتحام دقيقلر ،
اونه درد افروز ساعتلر ، اونه هول انكيز كونلر ايدى ، كه جناب
رحمة للعالمين « عليه الصلاة والسلام » افنديمز حضرتلرى انلرى
كچيشديردي ! تاريخ دين اسلامك مكليلرك حيرته ممزوج حدتتى ،
سفهاء قريشك مجنونانه وعقورانه غيظ وعداوتتى ، هله عمر رسول
اولقى كبي دنيا وما فيهادن بيك كره يوز بيكلرجه كره قيمتدار اولان
بر نعمت عظماني ، بر سعادت قرباني آياقلىر آلتنه المق جنتنى كوسترن
بدبخت ابولهبك زفير خصومتتى ، شهيق دنائتى نصوير ايدن او
محييهلرى حجابلرندن صارارمش بو درجه سباعاه ومقرسانه وحشتلره
ممكن بيان وتصوير اولدقلىرندن دولاي هربرى - صانكه - لسان
حال ايله اعتذار ايدىورلر !

ولادت قدسيت منقبت رسالت پناه اعظمينك « عليه الصلاة
والسلام » تبشيري شرف عال العالمانه جاريه آزاد ايتمكه طوفان سرور
وبهجتى تسكين ايدمه مين شو ابو لهبه بايكلر ! بايكلر ، كه اعلان
رسالته دعوت توحيدده نه قدر معكوس ، نه درجه منفور بر حبس
خصومتله مقابله ايتدى ! فصل :

« تبت يدا ابى لهب وتب »

صاعقه قهر الهيسنه آوج آچهرق لعنت ابديهيه محكوم اولقى دركه
اسفل سافلنه سقوط ايتك استحقاقى كوستردي انضربن حارث اسمنده
برفخه ابليس فرط عتو واستكبارندن نفس لثمنى ضبط ايدمه ميرك :
« اللهم ان كان هذا هو الحق من عندك فامطر علينا حجارة من
السماء او اتنا بعذاب اليم » - سورة جليله انفال -

(سوز) ي مناسندن تجريد ايدوب يالان يره صاوورمهك
وهاب كريم لسانك نزدالوهيتمده نه قدر شدتلى بر جزايى موجب
اولدغنى اكلاشلملى !

ايشته توحيدده ، كه سلطان حقيقه الحقايقدر ، قدسيت لفظى
وجدانلرى رقصان ، روحلرى حيران ايدن اومعناى ذوالجلالى ،
او مدلول كبرياسيله در .

توحيد ، لسان علوى شريعتده جناب واحد واحدك برلكنى
قلبا ولسانا تصديق واقرار ايتكدر .

توحيد - لفظاً - اتحاد ايله مادر وحدتك آغوش اشتقاقندن
قويمش ايكي فرزندتو اماندر ، يعنى : توحيد ، اتحاد لفظلرى اصللرى
اولان (وحدة) كله سندن مشتقدرلر .

بوجهته هرايكيسى يكديكرينه - الزاماً - دلالت ايدر . توحيد
دينينجه اتحاد ، اتحاد ذكر اولونجه توحيد خاطره كلير .

توحيد مؤثر ، اتحاد متأثردر .

توحيدى قبول ايدنلر لواء الحمد (لا اله الا الله ، محمد رسول الله)
الته برلشيرلر ، بر جان ، بروجدان اولورلر ، بر وجودكسيلير ، كه
اتحادده ايشته بو ديمكدر .

توحيد ، بر شاهد هوشرباي ازليدر ، كه مرأه جلال اتحاددن
عرض جمالى بي مثال ايدر .

توحيد بر دعوى ، اتحاد آنك دليلي
توحيد بر مصباح ، اتحاد آنك مشكاتى
توحيد بر روح ، اتحاد آنك وجودى
توحيد بر سلطان ، اتحاد آنك كشورى

خلاصه :

توحيد ، اتحاد ايله قائم
اتحاد ، توحيد ايله دائم

مراتب توحيد

توحيد ، لفظى اولور ، توحيد ، معنوى اولور ، توحيد ،
شهودى اولور . توحيد لفظى ايمان تقليدى ايله ، توحيد معنوى
ايمان تحقيقى ايله ، توحيد شهودى ايمان شهودى ايله مترادفدر .
برنجيسى لسانك ، ايكنجيسى قلبك ، اوچنجيسى - كه اكمل توحيددر -
روحكدر . بيش نظر تقدير كده اوچ سكه موجود : باقير ، كموش ،
آلتون ، هراوچنكده اوزرنده طغره غراى پادشاهى وار . هانكيسنى
ايسترسك ؟ شبهه سزدر ، كه آلتونى دكللى ؟ آلتون طوروركن
كموشك ، خصوصيله باقيرك كيم بوزينه باقار ؟ ايشته بوقياس ،
مع الفارقدر . آ كلا !

دوشونمزى يز ؟ تاريخ دين جليل اسلامك چشم جهاني قاشديران
اوشانلى ، او شوكتلى اولين صحائف عظمت واجلاله ايمان نظره
باقهراق ،

سابقین اولین حضراتنك بوقهرمانانه ثباتقاری ، پوشیرانه متانتقاری
نزدالوهیتده نه درجه رهین مقبولیت اولدیغنی شو :
« والسابقون الاولون من المهاجرین والانصار والذین اتبعوهم
باحسان رضی الله عنهم ورضوانه الایة ! »

[مهاجرین وانصاردن سلطان توحیده اجابت وعرض هدایت
وتابعیتده احراز قصب السبق ایدر سابقین اولین وانلره - ایمان شهودی
ایله - اتباع واقدا ایدن مؤمنین ومؤمنات ایشته انلردن الله راضی ،
انلرده اللهمک نم جلیله سنه ابدیاً منتداردرلر .]
مدیحه الهیه قیامته قدر عالم اسلامه انلرک شان وشرف بی بهالرینی
اعلان ایدر .

تکریم او مؤسسن دینه

تعظیم ابدی بوسابقینه

مکلیلرک قبول حق امرنده کوستردیکلری اعراضلره ، جرأتیاب
اولدقلری اعتراضلره بدل مدینه منوره لیلردن بر قسم رجال عقلا
عرض اهتدایه جان آتیوروردی .

بعثت نبویه نك « علیه الصلاة والسلام » اون برنجی سنه سی رجبنده
ایدی ، مدینه منوره دن کلن برهیئت مبعوئه منی جوارنده - الیوم سکان
حرمجه - مسجدالعقبه نامیله معروف محل مبارکده شرفیاب ملاقاته
رسول کبریا اولدی .

یارب نه ایدی او بزم اجمل !
مغرور ایدی آسمانه اسفل
فخر ایتسه روا دگلی یارب ؟ !
مغبوط سما دگلی یارب
یارب کیم ایدی او خاکه جالس
تشکیل صفوف ایدن او مجلس
عکسیدی او بزمک آسمانده :
مهریله نجوی کهکشانده
بیک غبطه سزه او اهتدایه
بوس ید اقدس هدایه
سز کیتدیکنز اما نامکنز حی
دلرده بوتون غرامکنز حی
فخر ایتده شانکنزله قرآن
رضواتی ایله مکده اعلان
تاروز قیام جهان توحید
ایلر سزی هر نفسده تمجید

وقتا که مکّه مکرّمده چکین چلهلر دولدی ، مدینه منوره یه
هجرت امر الهیسی حکمت افزای ورود اولدی .

تاریخ اسلامک برنجی یوم مسعودینی بعثت محمدیه نك اون اوچنجی
سنه سی ربیع الاولنك اون ایکنجی بازار ایتسی کونی تشکیل ایدیورددی .
مهجرج سعادته تقرب بوگوریلدیقجه انصار کرامک سهونجیلری وبناء

[یارب ! اکر شوقرآن کرچکدن سنک عند مغنویه کدن منزل
کلام حق ایسه بزم اوزریمزه کوکدن طاش یاغدر ! ویا دهشتلی بر
عذاب ایله بزی قهر ایت !] دیدی . زهی جنت تمرد ! زهی دنات
استکبار !

بوکا جان اولسونده دایانسن ! قلب اولسونده تحمل ایتسن !
کرچکدن حق کلامی ، منزل من عندالله اولان جناب قرآنی بیله بیله
رد ایتک وبونک مقابنده کوکدن طاش یاغدریلرسی ویا بر عذاب
هائل ارسالی صورتیله قهر ودمارلری قنی ایتک ... !

ایشته کسوه بشریته بورونمش بویله شیطانلرده ، بویله ارواح
خیته ده وار !

بوتون بو وحشیانه تجاوزلره ، بو مفترسانه هجوملره ، بو عموورانه
عووهلره قارشلی او سلطان اقالیم رسالتک ، او شاهنشه کشور نسوتک
میدان دعوتده بر ذره بیله کریمه میهرک - تک باشلینه ! - شیرانه
ثبات ومکانتلری ، خدا پسندانه مقاومتلری ،

سلطان توحید

ک متبوعیت ازلیه سنی فکرلره اکلایمق ، ذهنلره ، وجدانلره ،
قلبلره ، روحلره قبول ایتدیرمک ایچین چکدیکلری دردلری ،
قاتلانیدیقلری بلالری هیچ بر پیامبر چکمدی .

غریب دگیدر ؟ اوبی حس وبی شعورلر جناب رسالت پناه
اعظمی یه « علیه الصلاة والسلام » - دعوای توحیددن واز چکمک
شرطیله ! - قهارانه بریادشاهلق ، مستبدانه بر سلطنت قبولنی رجا
ایدیورلردی !

شوتک طاشدن بونتدیقلری ، اغاجدن پایدیقلری صنمیرینک - حاشا -
الوهیتلری تکذیب اولونمسون ! اوبی روح جمادات یه انلرک مبعودلری
اولوب قالسین !

توحیدده ثباتک درجه خرد فرسانه ، جان ستان ، فقط
پک علوی بر نمونه ده سلطان المؤمنین جناب بلال حبشینک « علیه
رضوان الله اکبر » چکمک اولدینی اوفجیع ، اوطاقت شکن اشکنجهلره ،
اوجان کداز عذابلر ، عقوبتلر کوستریلمک سزادر . او مبارک وجود
قیصقیوراق باغلانیر ، مکّنک اریدیجی حرارت شمس آلتنده اوزادیلهرق
خزینّه ایمان اولان سینه سی اوزرینه ال دکرمنک طاشی قونولیر ،
« یادینکدن واز کچرسک یاچانکدن ... ! » دینیردی ! او مجسم ایمان
ایسه « الله احد احد احد ! » جواب علویسیله حال مغلوبیتنده
غالبیت مطلقه سنی کوستره رک مشرکلری قهر ایدر ، اللرینی
ایصیرتدیرردی !

ایشته ایشته توحید حقیقی ! ایشته ایشته ایمان شهودی ! بردن
- جناب صدیق اعظمدن « رضی الله عنه » - باشلایان بوسبق اجابت ،
بو نعمت هدایت ، بو دخول حریم سعادت مرکز توحیدک دائرة
تمجیدینی توسیع ایتدکجه ایتکه باشلادی .

علیه تلاشری زیاده لشیوردی . بوتون کوزلر افق شرقی اوزرنده تمرکز ایتش بر آن آریلمیوردی . نهایت روز فیروز مذکورک صباخندن آز سوکرا بدر اسمان رسالت طلعت نمای ظهور اولدی .

طلع البدر علینا من ثنات الوداع
وجب الشکر علینا مادی لله داع
ایها المبعوث فینا جئت بالامر المظاع
مرحباً اهلاً وسهلاً بک یا بدر المبدور!

بونشیده استقبالی بنی نجاردن بر قاچ قیزره کذار قدسیت نثار جناب پیامبر اعظمیده دفتر چالارق ترنم ایدیورلردی .
بو قیزلر نه قدر بختیاردر دگلی ؟ دکل یالکزم دینه منوره نک ، بلکه تاقیامته قدر بوتون امتلرینک ترجمان روحی اولیورلردی .
دارالهجره لرینه شرف مواصلتلی ، اویارلاق استقبال روحی بی قرار ایدیور ، مدینه منوره سوقاقلری :

« جاء محمد ، جاء رسول الله ! »

زمزمه مزده آوریله جینلایوردی . کنج ، اختیار ، چولق چو چوق بوتون سکان دارالسلام ره کذار محمدی ده استاده موقع تعظیم اولمغه قوشیورلردی .
— مابعدی وار —

محمد فخرالدین

تراجم احوال :

حبری علی افندی

علمای اعلام و مؤلفین ذوی الاحترامدن بر ذات معارفیات اولوب کوتاهیله لیدر . انارینک الذبویوکی اولان (حقیقه الفقها) سنک ینه کندی طرفندن یازیلان شرحنده کنیه سنی بویله یازیور : (ابو محمد حبری ، علی بن مصطفی بن پیر محمد المعروف ببیل زاده) علی الاصول وطننده ا کمال تحصیلدن سوکره استکمال فیض علوم مقصدیله سیروسیاحت ایدرهک (قیزلحصار) [۱] ده اختیارا قمتله نشر علومه مبادرت ایلدی . بوراده مادام الحیاة بوجهله امرار اوقات ایله یوب (۱۰۸۰) کسور تاریخلرنده داراخرته رحلت ایتدی . فضائل عالییه سنه دلالت ایدن اناری متنوع اولوب باشلیجه لری بروجیه آتیدر :

۱ — (حقیقه الفقها) : برجلد کبیر اوله رق تألیف ایتدیکی بو اثرینی (۱۰۵۲) تاریخنده (تلخیص الفتاوی والشروح) اسمیله

[۱] قیزلحصار : (اغریوز) اطه سنک جنوب نهایتنده کی (قاریستوس) شهریدر که اداره عثمانیه زماننده (قیزلحصار) نامیله توسیم ایدلیدی (کاتب چلبی) مرحومک (جهان نا) اسمنده کی اثر مشهورینک خریطه سننده محرردر . صاحب ترجمه اختیارا قمت ایتدیکی (قیزلحصار) ک بو (قیزلحصار) اولدیغنی تصریح ایله یور . جغرافیون عثمانیه دن بعضیلری طرفندن (مغنیسا) نک (قیزلحصار) اسمیله توسیم اولوندینی و (عینتاب) سنجاغنده ینه بو اسمله برناحیه بولوندینی ده (جغرافیا) ایله منوغل ذواتک معلوملریدر .

بش جلد اوزرینه شرح ایله مشدرکه برطاقی مناسر کتبخانه سننده موجوددر . بو اثر علم فقهدکی اختصاصیه و معلومات واسعه سنه برهان جلیدر . بو شرح مقدمه سننده کنیه سنی و (قیزلحصار) ده شرح ایتدیکی تصریح ایدیور .

۲ — شفاء الابدان المرضی فی سر منافع القرآن الشریف والاسماء الحسنی : (قاضی ابوبکر نسائی) نک (الدر المنظم فی فضائل القرآن الکریم) اسمنده کی اثرینک شرحی اولوب نهایتنه لسان درر بار نبوتدن شرفصادر اولان ادعیه مأثوریه علاوه ایتشددر .

۳ — (هدیه الحبری فی ترجمه منهاج المحمدی) علم کلامدن باحث بر تألیف کزین اولوب بو اثرینی (۱۰۷۲) ده تحریر ایتدیکی درمیان ایدیور .

۴ — (زبدة الفکر فی زیاده سید البشر) : فخر کائنات علیه اکل التحیات اقدمن حضر قلرینک زیارتلری آدا بندن و قسماً مدینه طاهره فضائلندن باحثدر .

۵ — (عقود الدریة فی شرح فرائض الحبری) : علم فرائضه دائر تألیف ایتدکاری متن متینک شرحی اولوب بر نسخی (کوتاهی) کتبخانه سننده منظوم اولدی .

۶ — (نبذة المناسک) : مناسک محجذن باحث بر اثر نافع المباحثدر .

۷ — (منية الصالحين) : علم عقائده دائر بر تألیف لطیفدر .
۸ — (شرح حدیث اربعین) : طرز معلوم اوزره بر تألیف منیفدر .

۹ — (ذخرا لآخرة) : موعظه و اخلاقدن باحثدر .
مخدوم فضائل موسرملری (اسیری محمد) افندی ده ارباب علم و عرفاندن بر ذانددر . (مجامع الجوامع) اسمنده بر اثریله (محمدیه) شرحی واردر که بو شرحک بارچهلری سلانیکده منظور عاجزانهم اولدی .

بروسه مبعوثی

محمد طاهر

ینه خبیث بر اثر حقنده

برمغفلک یدلمعتکار یله صاف بر جینک صفحه سفالتنه اورولان تمغای فحشا کی بیاض کاغد اوزره رینه سیاه مرکب له قاره لائش بر کتابک خیلی زماندن بری کتابچی دکاتلرنده تشهر ایدیلدیکی کورمش ، حتی بردفعه ده برایکی صحیفه سنی چویرمک صورتیله کوزدن کچیرمشدم . بو قدر جق نتبعم ، اثرک نه متاع رنگین اولدیغنی بکا آ کلاتدینی ایچین ایکی اوچ سطرلق ایقازنامه یازوب اوراق حوادث واسطه سیله — تخدیش اذهانی موجب مقالات نشر ایدن جراندی هان سدو تعطیل ایله ین — حکومتک نظر دقتی جلب ایتیهی دوشونمش ، سوکراده